

Vîs Soçons di Confrêrîye

(texte et musique : Jean-Pierre Clovin)

*R. Vîs soçons di confrêrîye,
èn' pinsons nén au cougnè ;
apougnons nos chopes di bîre :
nos bwârons à l'amitiè !*

*Nos n' dè vûdrons nén sins n' chique
tîlmint qu'i gn'a z-à tchantér.
Èrdîjons-nous, toute èl' clique :
n'eûchons jamés peû d' fièstér !*

**Roubliyons toute èl' gnût lès maûs d' vinte, lès maûs d' tièsse.
Si on s' rèvèye dimwin, ça s'ra co ça d'gan.gni.
Droci, gn'a jamés nèlu pou nos wétî d' crèsse ;
on n'a pont d' jwè à spaûrgnî.**

**Drouvons râd'mint lès boutêyes d'vant qu'on nos lès skète !
Quand on z-a ostant à bwâre, i n' faut nén comptér.
C'èst nén quand on s'èr'trouve qu'on va mindjî n' djiguète.
Adon, nos dalons tchantér.**

**Dansons, riyons
èt buvons ;
èrluvons-nous
èt tchantons !**